



**BARAZA LA WAWAKILISHI – ZANZIBAR**

**ORODHA YA SHUGHULI ZA LEO**

**BARAZA LA TISA LA WAWAKILISHI**

**MKUTANO WA KUMI**

**Kikao cha Nne – Tarehe 14 Mei, 2018.**

Kikao Kitaanza Saa 3.00 (Tatu) Asubuhi  
na Dua itasomwa.

**I. HATI ZA KUWASILISHA MEZANI:**

**Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:**

Hotuba ya Mdhibiti na Mkaguzi Mkuu wa Hesabu za Serikali kwa Mashirika na Taasisi za Serikali ya Mapinduzi ya Zanzibar kwa Mwaka wa Fedha 2015/2016 na Ripoti ya Mdhibiti na Mkaguzi Mkuu wa Hesabu za Serikali kwa Mawizara ya Serikali ya Mapinduzi ya Zanzibar kwa Mwaka wa Fedha 2015/2016.

**Mwenyekiti wa Kamati ya Kuchunguza na Kudhibiti Hesabu za Serikali (PAC):**

Hotuba ya Kamati ya (PAC) kuhusu Ripoti ya Mdhibiti na Mkaguzi Mkuu wa Hesabu za Serikali kwa Mashirika na Taasisi za Serikali ya Mapinduzi ya Zanzibar kwa Mwaka wa Fedha 2015/2016 na Ripoti ya Mdhibiti na Mkaguzi Mkuu wa Hesabu za Serikali kwa Mawizara ya Serikali ya Mapinduzi ya Zanzibar kwa Mwaka wa Fedha 2015/2016.

**II. MASWALI:**

**Ofisi ya Makamu wa Pili wa Rais:**

201. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Nchi, Ofisi ya Makamu wa Pili wa Rais:

Kwa kuwa ZAPHA+ kwa kushirikiana na vijana wa Wilaya ya Micheweni wameanzisha Club maalum ambayo lengo lake ni kuwakutanisha na kuwatambua vijana wanaoishi na walioambukizwa virusi vya ukimwi ili waweze kuhudhuria kliniki na kupata ushauri. Na kuwa kasi ya maambukizi hayo yapo zaidi kwa vijana ambao kama hatua za makusudi hazitochukuliwa wengi wataathirika.

Je, Serikali ina mpango gani wa kuzisaidia Jumuiya kama hizo ambazo zimejitolea kwa makusudi kuhamasisha vijana kwenye mapambano na maambukizo ya virusi vya ukimwi.

**Ofisi ya Rais, Tawala za Mikoa, Serikali za Mitaa na Idara Maalum za SMZ:**

233. MHESHIMIWA MACHANO OTHMAN SAID (Jimbo la Mfenesini) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Wilaya ya Magharibi "A" na "B" zina wakaazi wasiopungua 350,000 kwa mujibu wa sensa ya 2012, idadi ambayo inaongezeka kila siku kutokana na kiwango cha uzazi na uhamiaji usio na mipaka hali ambayo imesababisha Wilaya hizo kukabiliwa na matatizo mengi ikiwemo tatizo sugu la maji safi na salama, uchache wa madarasa, mafuriko ya mara kwa mara, kutokuwa na hospitali za Wilaya na miundo mbinu mibovu ya barabara.

- (a) Je, Serikali haioni kwamba wakati umefika sasa wa kuanzisha Mkoa wa Kiserikali kama kilivyoamua Chama cha Mapinduzi mwaka 2012.
- (b) Ni lini Serikali itaweka mkakati maalum wa kuondoa kero hizo za wananchi wa Wilaya hizo.

**Wizara ya Kilimo, Maliasili, Mifugo na Uvuvi:**

88. MHESHIMIWA BAHATI KHAMIS KOMBO (Jimbo la Chambani) - Atamuuliza Mheshimiwa Waziri wa Kilimo Maliasili, Mifugo na Uvuvi

Hivi karibuni kumejitokeza wakulima wa mwani katika kijiji cha Kitogani kulalalamikia magonjwa yaliyojitokeza katika zao hilo na kuwarudisha nyuma katika kilimo hicho.

- (a) Je, Wizara imeshakwenda kuona tatizo hili.
- (b) Kama tayari Serikali imeshakwenda, Je imechukuwa jitihada gani kuona kuwa wanawasaidia wananchi hao.
- (c) Je, Serikali imefanya utafiti katika eneo hilo.

**Wizara ya Elimu na Mafunzo ya Amali:**

3. MHESHIMIWA SHEHE HAMAD MATTAR (Jimbo la Mgogoni) - Atamuuliza Mheshimiwa Waziri wa Elimu na Mafunzo ya Amali.

Kwa kuwa Serikali ya Mapinduzi Zanzibar imetoa fursa kwa mtu yeyote awe mzalendo au mgeni kuwekeza katika sekta ya elimu hapa Zanzibar, ambapo skuli na vyuo vya kitaifa na kimataifa vimeanzishwa.

Hata hivyo, baadhi ya wawekezaji wa skuli binafsi wameanzisha mfumo unaosumbua wanafunzi na wazazi na ni kinyume cha mikataba yao, kwa kuwachuja wanafunzi wa kidato cha nne ambaye atashuka kidogo alama (marks) walizoweka na hutakiwa kuendelea kusoma skuli ile ile, lakini mtihani wa mwisho wa Taifa akafanye skuli nyengine na kwa malipo mengine.

- (a) Je, Wizara yako inalijua suala hilo.
- (b) Je, Serikali inakubaliana na mfumo huo kutumika kwa wananchi wake na unakubalika katika sera za elimu hapa Zanzibar.

- (c) Je, Serikali itachukua hatua gani kwa skuli zote zenye kutekeleza mfumo huo ambao tayari wameshaueleza kwa wanafunzi na wazazi wao, ili kuwaondolea usumbufu mkubwa watoto wetu hapa nchini.

38. MHESHIMIWA ALI KHAMIS BAKAR (Jimbo la Tumbe) - Atamuuliza Mheshimiwa Waziri wa Elimu na Mafunzo ya Amali:

Naipongeza Wizara yako kwa ujenzi wa vyuo vya amali, vinavyotoa elimu kulingana na mahitaji ya soko la ajira, ili waweze kujiajiri. Hata hivyo, ujenzi wa chuo cha amali cha Daya Mtambwe na Makunduchi hauridhishi hata kidogo na muda wa ujenzi huo unamalizika.

- (a) Je, ni lini ujenzi huo utakamilika.
- (b) Je, Wizara ina mpango gani wa kuupitia mkataba wake na ushauri wa mshauri elekezi wa miradi hiyo kwa kushirikiana na Ofisi ya Mwalimu Mkuu ili kuchukuwa hatua stahiki.
- (c) Je, Wizara ina utaratibu gani wa kuwa karibu na washauri elekezi wa miradi yake ya ujenzi na kuhakikisha kuwa wanatekeleza majukumu yao kwa maslahi ya Wizara kama ilivyo katika mkataba.

**Wizara ya Ardhi, Nyumba, Maji na Nishati:**

79. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Ardhi, Nyumba, Maji na Nishati:

Kwa mujibu wa sheria, kampuni yoyote inayopewa maeneo ya ardhi inalazimika kulipa kodi iliyoanishwa wakati wa kupewa eneo hilo. Hata hivyo, yapo baadhi ya Makampuni yaliyobainika kukwepa kulipa kodi za Serikali.

- (a) Je, ni makampuni mangapi ambayo hadi sasa yameshalipa kodi zao baada ya kubainika kutolipa kodi hizo.
- (b) Je, ni kiasi gani cha fedha ambacho makampuni ya uwekezaji yanadaiwa hadi kufikia Februari, 2018.

- (c) Je, ni hatua gani kali za kisheria zilizochukuliwa dhidi ya makampuni ambayo yanachelewesha kulipia kodi ya maeneo yao waliyopatiwa.

**Wizara ya Ujenzi, Mawasiliano na Usafirishaji:**

26. MHESHIMIWA MUSSA FOUM MUSSA (Jimbo la Kiwani) – Atamuuliza Mheshimiwa Waziri wa Ujenzi, Mawasiliano na Usafirishaji:

Serikali ya Mapinduzi ya Zanzibar inastahili pongezi kwa uamuzi wake wa kununua meli ya mafuta na meli ya abiria na mizigo ambapo jumla ya TZSHS. 20,000,000,000 zimetengwa kufanikisha kazi hiyo.

- (a) Je, Waziri kazi hiyo imefikia wapi.
- (b) Je, meli hizo kwa mara hii zitaundwa wapi na nchi gani.

**Wizara ya Afya:**

116. MHESHIMIWA SULEIMAN SARAHAN SAID (Jimbo la Chake Chake) – Atamuuliza Mheshimiwa Waziri wa Afya:

Serikali katika kuendeleza juhudi za kuwapatia wananchi wake matibabu na afya bora, imejenga hospitali za kisasa ikiwemo Hospitali ya Abdalla Mzee, Mkoani. Hata hivyo, kuna baadhi ya madaktari, huenda masomoni na wengine huwa hawakai katika sehemu zao za kazi kwa kisingizio cha kukaa mbali na familia zao.

- (a) Je, Serikali inalijua hilo na kama inalijua imechukua hatua gani.
- (b) Kuna malalamiko katika hospitali ya Mkoani kuwa baadhi ya madaktari wazalendo huwa hawakai katika nafasi zao au wamekwenda masomoni na kuacha nafasi zao. Je, kuna ukweli kuhusu hili.
- (c) Je, ni wafanyakazi wangapi walioajiriwa katika hospitali ya Mkoani na wangapi kati yao wanaotokea maeneo ya Mkoani.

**Wizara ya Biashara na Viwanda:**

163. MHESHIMIWA ASHA ABDALLA MUSSA (Jimbo la Kiwengwa) - Atamuuliza Mheshimiwa Waziri wa Biashara na Viwanda:

Katika suala zima la utunzaji wa takwimu za karafuu na mazao mengine ya kilimo Zanzibar.

Je, ni “program” gani inayotumika katika kutunza takwimu hizo.

**III. HOJA ZA SERIKALI:**

**Waziri wa Nchi, Ofisi ya Rais na Mwenyekiti wa Baraza la Mapinduzi:**

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Ofisi ya Rais na Mwenyekiti wa Baraza la Mapinduzi kwa mwaka 2018/2019.

**IV. KAULI YA SERIKALI:**

**Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:**

Hotuba ya Mdhibili na Mkaguzi Mkuu wa Hesabu za Serikali kwa Mashirika na Taasisi za Serikali ya Mapinduzi ya Zanzibar kwa Mwaka wa Fedha 2015/2016 na Ripoti ya Mdhibili na Mkaguzi Mkuu wa Hesabu za Serikali kwa Mawizara ya Serikali ya Mapinduzi ya Zanzibar kwa Mwaka wa Fedha 2015/2016.

Zanzibar,  
14 Mei, 2018.

(Raya Issa Msellem)  
**KATIBU WA BARAZA.**